

Comune di Cabras

Provincia di Oristano



Comuni de Crabas

Provincia de Aristanis

ORDINÀNTZIA N. 98 DE SU 13/11/2020

PROT. N. 25103

AREA 5 - POLITZIA LOCALI SUAPE

CHISTIONI: PROIBIDURA PO TOTU IS VEICULUS DE PASSAI IN SA VIA NAPOLI IN IS DIIS 16, 17 E 18 DE ONNISANTI 2020 DE IS 8 DE MANGIANU A IS 5 DE MERI' E CUMENTISISIAT FINAS A S'ACABBU DE IS TRABALLUS DE SCÀRRIGU DE MATERIALI PO CANTIERI.

SU RESPONSÀBILI DE SU SERVÌTZIU

Vistu su decretu de su Sìndigu n. 65 de su 30.12.2019 de nòmina de sa sutascrita a Responsàbili de s'Àrea 5 Politzia locali - Suape

Vista sa domanda prot. n° 25101 de su 12.11.2020 fata de Manca Alessandro, titulari de sa Dita Biocostruzioni de Manca Alessandro, inui si pedit de serrai a manera temporànea sa via Napoli po permitiri su scàrrigu de materiali de cantieri in is diis 16, 17 e 18 de onnisanti 2020, de is 8 de mangianu a is 5 de meri;

Cunsiderendi ca sa sa via Napoli est una strada a sensu ùnicu e po mori de sa pitichesa cosa sua tocat a mudai sa circolatzioni stradali po podi scarriga su materiali in siguresa;

Ritènniu netzessàriu de fai custu provedimentu po cantu eus nau asuba e po garantiri sa siguresa de is impitadoris de sa strada e de is chi faint is traballus;

Ritènniu de dèpiri proibiri sa circolatzioni a totu is categorias de veìculus in sa via Napoli, in is diis 16, 17 e 18 de onnisanti 2020, de is 8 de mangianu a is 5 de meri; e cumentisisiat finas a s'acabbu de is traballus de scàrrigu de materiali po cantieri;

Vistu s'art 7 de su Còdixi Nou de sa Strada aprovau cun D.Lgs. 30.04.1992, n. 285, aici comenti mudau e su Regulamentu de Esecutzioni e Atuatzioni, aprovau cun D.P.R. 16.12.1992, n. 49;

Vistu s'art. 107 de su T. U. D.lgs 267/2000;

ORDINAT

De istituiri una proibidura de circulatzioni a totu is veiculus in sa via Napoli, de s'ingruxada cun sa via Arborea a s'ingruxada cun sa via Tharros, in is diis 16, 17 e 18 de onnianti 2020, de is 8 de mangianu a is 5 de meri; e cumentisiat finas a s'acabbu de is traballus de scàrrigu de materiali po cantieri.

Custa ordinàntzia intrat in vigori candu sa Dita chi fait is traballus at a pònniri sa sinnaletica netzessària.

S'impresa chi fait is traballus depit pònniri sa sinnaletica netzessària;

A s'acabbu de is traballus sa circulatzioni depit torrai a che prima:

Su personali chi depit fai is servitzius de Polizia Stradali, comenti in s'art.

12 del C.d.S., est incarrigau de cuntrollai s'esecutzioni de custa ordinàntzia. Contra de custa ordinàntzia si podit fai ricursu intra de 60 diis de sa publicatzioni, a su Tribunali amministrativu Regionali Sardinia o intra de 120 diis a su Presidenti de sa Repùblica.

Si mandat còpia de s'àutu a:

- Is carabinieri de Crabas;
- A su sinn. Manca Alessandro.

IM

**Su Responsàbili de su Servìtziu P.L
(Dott.ssa Barbara Poddì)**
